



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四八八

鑑止水齋集二十卷 許宗彥撰

一

種榆仙館詩鈔二卷 陳鴻壽撰

二二九

榆西僊館初稟四十五卷首一卷附敦艮堂集古四卷（缺卷二） 蔣詩撰

二八一

味根山房詩鈔九卷味根山房文集一卷 史善長撰

五七五

鑑止水齋集

鑑止水齋集

鑑止水齋集總目

卷一

古今體詩

卷二

古今體詩

卷三

古今體詩

卷四

古今體詩

卷五

古今體詩

卷六

古今體詩

卷七

古今體詩

卷八


古今體詩

卷九

詞

卷十

鑑止水齋集目錄



書

卷十一

序跋書後

卷十二

攷

卷十三

攷說

卷十四

說記

卷十五

經上水齋集目錄

解

卷十六

辨原釋議雜說論

卷十七

傳

卷十八

碑墓表墓誌銘

卷十九

行狀哀辭祭文贊

卷二十

賦駢體文

經上水齋集目錄

三

鑑止水齋集卷一

德清許宗彥

詩一

黑龍潭寺古梅下作歌

天龍聽法耽空綺歸來偃臥空山裏千年鱗甲古苔
封片片白雲吹不起幽人衝雪戴圓笠足繭蟾屹拾
危級盎然春意上冬襟習習微聞暗香裏黯淡龍祠
抗風樹拘屈疎枝壓簷亞啄花凍雀瘖無聲潭水清
空玉光瀉寂歷荒壇少人跡絕世芳姿羌獨立萬古
天南一樹留千嵐百嶂生顏色晚來霧暗山如醉瘦
影浮空點輕翠神清骨冷斷閒愁鐵石心腸轉嫉媚

鑑止水齋集卷一

花前臥聽清商弄翩翩化作樓花鳳一聲清磬梵天
來月落參橫破幽夢

泛舟昆明湖登太華山大悲閣

爲愛秋清太華峰平湖一葉泛輕風萋萋碧草彌蘭
澤豔豔紅霞護梵宮勝國宗臣遺像在沐國公像真
藏寺中王戰艦劫塵空憑闌不盡蒼茫意極目斜陽數去鴻

庚戌橋鄂文端
公建

陸絕兩崖削中臨千尺谿危橋飛鳥上落日暮天低
濕翠黏衣袂枯藤罨馬蹄當時豺虎穴直作往來蹊
飛雲巖

日日山行飽山色無限奇嵐惜不得徑來巖半踏飛
雲放眼更驚遐怪極洞口儼若雙扉開天宇中敞忘
崔嵬倚空重巖拔地起豁開深處安蓮臺金容孤映
盤龕碧鐘梵清音透巖隙香篆依依暗自縈乳竇垂
垂寒欲釋傍壁晶簾百道飛蒼松爲額雲爲衣天風
捲起環佩亂九霄咳唾霏珠璣斜橋曲徑轉幽邃展
齒無聲印樓翠更欲窮探路轉迷定知異境眞靈祕
鬼勞神劍混沌前紅塵遠隔路三千終年默數雲來
去得作山僧便是仙

麻陽船口號

鑑止水齋集卷一

新月纖纖疾如梭麻陽艇子九家多並坐可能橫肱
否伸着可奈打頭何

快櫓輕翻雪浪寒崆峒怪石劒鋒攢眞看瞥眼研坑
過險絕黃獅滾洞灘

宛轉紅闌瞰碧谿世人無計得仙梯盧敖只在雲中
住那必桃源路易迷辰州臨溪峭壁遺構宛
然相傳爲仙人屋云

日出東南隅行

清陰彌繡陌女桑枝葉繁初陽下蘭薄微行萃嬋娟
佳人絕世姿明豔倅朝暄首飾耀麗景被服霏春烟
輕霞溢光彩仙露挹華鮮提籠澀細步援柯齊高鬟

采采擷皓婉百態無藏媽清川媚芳影惠風相留連
動容道旁客踟躕馬不前搖搖中心奪逸邈幽思牽
佳麗誰不愛况乃負豪賢良期要蹇修密意通殷率
情傾忘所當義在安可愆如花妾顏美匪石妾心專
秀色難自掩禮防固所嫻何因枉君顧亦不爲君妍
人生有定分各自安其天願君垂清聽使妾微志宣
德安道中

穩臥籃輿內披裘怯曉風靜聞鈴語度清似佛龕同
春野鳥聲喜江城物色豐尋陽經幾度彈指五年中
驛古多藏怪空壇樹有神偶因尋舊跡相與撥芳茵

臨淮關

三

蒼鼠欄前竄垣衣壁上新匆匆排馬去誰爲拂頭塵
雙雙道傍埃無人管送迎溪橋連水閣巖樹與雲平
人語喧前渡炊烟起暮城匡山知更近先覺客懷清

渡潯陽江

淮水清如鏡沙平兩岸遙長橋橫古渡舊跡憶南朝
老樹雅聲靜豐年市語囂郵亭畱客住且止短鞭搖

暮靄澄匡廬影落江千尺江水浩無際渺渺連天白

夕陽挂遙波新月吐山隙歸船競喚渡沙岸亂行客
輕帆十幅張萬頃平如席臥看香鑪峯青翠落巾舄

遠懷醉吟翁曾此司馬謫不愛江山清苦厭蘆竹宅
一夕聞琵琶青衫淚痕積生平恬退念于此難自適
達人尚如茲俗士更何責惟餘詩筆清留照江波碧

和黃山谷集中情人怨

喚起遼西夢殘妝印枕紅含情窺鏡檻無語倚簾櫳
卻下玉階立殷勤祝塞鴻緘書何日到看取首如蓬
題五代史吳越世家後

大亂不數觀讀史駭心目前惟西晉衰後乃五代續
官家出羣盜盜將相半厮僕紛紛等兒戲變若舉棋速
英雄各乘勢割據裂輿軸岐梁晉蜀漢輟蹈安史覆

梁竟屋唐社晉亦傾梁族從此亂靡寧中原厭人肉

四

就中稱小康長江限南北吳越與淮南稍肯事井牧
淮南亦多事三姓更篡逐周宋復宿兵殘破生氣蹙
惟有武肅王保境甘雌伏眞王固自爲稱臣爲民辱
千里浙東西幸免罹鋒鏃賢孫識天命歸國膺朝祿
遺愛至今畱猶歌陌上曲歐公健史筆思繼素王躅
奈何所褒貶頗不滿衆欲昔聞春秋義善善從長錄
捍難如錢王獎許宜不足猶云虐民人求全毋乃酷
吾愛表忠碑幽光闡玉局

韓旭亭丈是升招飲藥洲次石上元人詩韻

過雨瀛天爽氣浮偶陪杖履到仙洲映衣青雪修筠
潤影水華星異石幽花藥清含千載勝池亭冷占一
坊秋酒開素月流瑤席槎客眞疑到斗牛

再次韻

石應星躔古色浮千年勝蹟紀靈洲霸圖已逐風雲
散別館空餘水木幽澹蕩清遊饒我輩聯翩佳句闕
新秋玉堂珠殿今安在底用淮山挽萬牛

自題所作畫

秋林疎處三家村萬山奔赴環衡門山中有泉不出
山山下有澗難尋源世間未必有此境勿以畫法相

鑑止水齋集卷一

五

排根仇池之穴有足不能到桃源洞口有手誰能捫
神仙心慳閉福地世人耳食傳空言吾欲挽底一一
巨靈闢直恐眞宰愁絕生煩冤不如落筆涉疑怪塵
寰仙界未可分放筆一笑清風生斜陽忽過蒼松根
孫平叔 爾準 招遊花塢遇雨

郭外閒遊小舫輕濃陰壓午變朝晴沙明鷗鷺疎如
畫秋入菰蒲寒有聲軼事誰搜搜偏霸史香肝畱與老
農耕坐中數子清譚劇我亦悠然無俗情

九日同黎二樵 爾準 韓旭亭丈 是升 孫平叔 爾準

林明齋 登粵秀山

涼風警幽律爽氣溢滄瀛雲物臨重九金行叶後庚
人聯吟屐健天放好山晴瘳劒畱餘址憑闌鬱古情
炊煙浮萬井落日滿重城疊巘林間翠澄江檻外平
曠資延眺適興治笑譚傾意氣吾儕勝風光此日清
蒼茫增遠思蕭瑟動秋聲向晚浮陰變漫空海霧橫
四垂迷一色半塔迴孤撐白鳥歸飛渺紅霞界畫明
下山頻住步歸路已闌更記取斯游樂重爲異日盟
平叔將歸二樵以秋林寫眞贈行并系以詩平

叔屬僕繼作以志友朋倦倦之意

詩人足秋骨氣與秋相親徘徊寒林間詩意彌空曠

鑑止水齋集卷一

六

所思不可見高眇誰爲鄰至音不孤響千里通精神
感此江南客來欸梅開春杯酒見邂逅恍然如故人
相視兩莫逆得意同一眞篇章闕健疾無窮出清新
荒荒尉佗宮浩浩三江濱山川富雄勝崎士多絕倫
自我至此土斗柄六建寅早見樵夫詩會面未有因
騷壇得平叔喜足張吾軍展轉通綰紵職志推夫君
二子洵不偶才力各雄振光采舒白日五色同璘霏
相逢方恨晚相別詎忍言不聞昌黎語願作龍與雲
中心長無忘蹤跡難具論寥天有往翮大川無靜鱗
北風吹木葉黯然消離魂水雲自在山水雲終歸山

形骸苦間隔難伴征帆還樵夫行樂處木石相與閒
知音日已遠絕調爲誰彈秋林夜夜夢長在芙蓉灣
吳越雖云遼豈異咫尺間寫此無住相神采丹青全
侑以贈行詩肺附金石堅誦詩見君心披圖見君顏
顏色看逾好詩句誦屢歎不寧慰相思愈結相思緣
念我亦久客歸計遲明年家門近相望一水通河還
便訪海棠巢平叔詩不待除頭塵傾倒及他日回首
憶今晨領雲同送目海氣黯不分樵夫念離別早作
江南民

贈別平叔

蘇七水齋集卷一

嗟余鮮兄弟四海渺友生落索性寡合意氣徒崢嶸
炎方豈少士有蓋無從傾鵠原悲宿莽喬木感春鶯
獨言誰爲聽獨唱誰爲廣君自江南來幕府謁上卿
詩詞衆口立譚蜚豪英過庭聞客至一見爲眼明
憶昨並少小大人官燕京與君先中丞璫簪敦交盟
君弱余兩載視子猶如兄別來不計日躔次已載更
豈料得邂逅話舊茫然驚余齒空加長子才卓然成
館子東軒下議論聽縱橫珠光走的饒璧理橫庚庚
千言快奔放彪外由中彌慚余胸僻陋瑣碎搜蟲蟲
列陣勉相抗對敵無此効交綬有迴舍端不聞鼓鉦

旁觀林與蔡壁上但肝睽既極文字娛嬉戲無不營
不異竭髻時握手同游行園中富草木聯句題蕉枰
虛亭貯風月水石有餘清夜譚輒忘倦酒盡甯空鐙
講求及繪畫餘興到秋枰余久病寂寞得子揚眉衡
聚處雖云洽別念常紆縈北風吹面起千里寒江平
孤帆溯瀟峽落葉催歸程留子復何事送子傷我情
吾儕道義交離別固所輕胡爲效兒女泣涕沾衣纓
所惜子去後莫予相排撤羣疑塞胃腹開卷目空瞪
自惟質恂愁虛抱願力宏子才十倍我壯氣陵霄崢
風華未足恃學問貴專精五經衆說郭如天覆八紘

蘇七水齋集卷一

八

學者各有得譬如斷柏樑大者成棟梁小者備椽枅
要當爲江河奔流歸滄瀛勿爲井與池僅供汲缶罍
文章雖小技以道爲之植陶融去渣滓琢磨發光晶
鴻鐘萬石重鉅響殷華鯨瓶笙雖百沸止作蒼蠅聲
願君歸鍵戶無使塵務嬰淵源家學在絕勝金千簋
菑畲獲豐年穗袞賴力耕著書卽示我不啻惠瓊瑩
羊城試回首西日千山積懷人風雨夜讀詩廢雞鳴
神交在肺腑亦不在合併感子骨肉愛勗子千載名

次韻三樵送平叔後作

目送歸帆煙靄深僕夫催馬轉城陰風高落木搖離

思天闊空江蕩遠心此後雙園勞悵望遙知三峽嬾
登臨夢回贏得相思句指印依稀劃滿衾

次韻二樵懷平叔兼以示僕

梅花影覆嶺上關領南領北幽香寒風逗夢送歸
榜嚴冬水淺上瀨難索居易覺時日闊離思爛漫如
沃雪殘燈炷盡掩卷坐薄帷風動入明月月光迴照
花村紅村翁與我同傷別別後詩篇見恨晚百遍摩
挲手生暖先愁撫鏡華鬢誰與賞心共青眼知君
作惡真不堪吟懷遠挂龍山尖春糧寄聲爲我宿莫
耽睡意南榮甜鵝谿素絹長委欄破愁要借煙雲酣

鑑止水齋集卷一

九

慎勿使我別意添東風吹漲大江深便尋昨夢歸江
南與君相見復有幾那得再言休細譚

二樵前有
休細談行

次韻二樵見懷索芙蓉花種兼寄平叔

江村花氣香一江蓑衣欲涉寒無杠故人歸去渺天
末誰與可惜娛此日花村夫子畫法近所無上視唐
宋花同不荆關往往挽底出妙在神似非皮膚曷不
來就我乎館爲我畫筆起疲軟折麻日夕苦懷人不
念月窮星歲短與君相峴百里中不見亦與千里同
君緣苦吟被花惱一棹快趁朝來風攜詩過我日未
午空齋畫靜圍蒼榕芙蓉作色傲老翁燄燄吐豔牆

西東花村百花此花少徑欲移種呼花農杲杲寒日
照顏色愛爾性耐霜天紅請君放筆爲巨幅高張對
此蜀錦叢臥遊夢與江南通待君丹青設色終報君
一束紅芙蓉

次韻二樵見懷

立盡征雲送遠眸炎方冬日始悲秋吟邊落葉依人
住愁外寒江繞夢流浚谷風期勤攬帶握蘭心事寄
登樓試容尊酒長相見問事應知未肯休

光孝寺貫休設色羅漢歌爲吳觀察賦

是日更
觀張葑

房所藏水墨
二樵廣筆也

鑑止水齋集卷一

十

西嶽高僧禪月師能詩清逸畫更奇詩中兩字不爲
錢王移孤雲飄落西南陲金天夜夢光琉瑯應眞環
侍修容儀圖以水墨眞相無參差歐陽翰林爲作詩
讚事本實辭不支僞禁藏弄寶若珣玕琪宮中供養
誰奉持前後花藥夫人窈窕姿垂祐竟莫邀佛慈縣
州軍破降表馳圖書輦載歸中嚴宣猷譜中所載其
卽斯劫灰銷盡金明池內府之藏散若雲煙霏神物
化去疇能知更聞豫章西山亦師卓錫基手寫一十
六幅儼以己相同光輝雲臺之院荆榛圍流傳眞蹟
在世日以徵雁本雜羣忘呵譏珊瑚鐵網耳食漫詆

棋比若右軍隸書見者稀法像不作玩賞資錦暉玉
軸空延踰零縑仍向梵門歸訶林舊寺南海湄六祖
道場慧景融祥曦何年一尊來皈依經坊傳寶不受
渤海欺盜池日影青窗篩照見壁間古色光陸離龍
天經過從游嬉優婆瞻禮誰敢踰花鬘雲護香辭辭
吳侯愛畫關天機衙齋畫靜翠竹含風滴法容欽佇
結願彌寺僧傳看雅又齋開樽坐客堂東宦摩挲一
三神爲怡古綃綻裂直恐從風吹丹青剝處生面猶
依稀光明五色蓮花衣尊者倨案低弓麋弟子旁奉
巾餅隨下有猿公竦竦舉首同榆櫟貝葉千函披耽

鑑止水齋集卷一

上

思疾寫腕不疲三千法界澄摩尼癡痕久已付剝削
寫經非寫不涉文字疑安用皮紙骨筆爲自來畫師
亦夥頭僧繇道子邈莫追後來能事休公推手蹟慙
此片幅遺挂壁不與龍俱飛應有大力爲引維何沉
當時應夢神筆揮定有微妙窮思惟不可更見有已
而紛紛摹倣寧非癡飽恣眼福寒更遲歸來月色橫
梁桷惜無金風亭長筆瑰琦才弱徒耐十日思神光
墨妙讚歎窮於詞千年迴望長嗟咨

送侯貞友秀才 雲松 還金陵兼寄平叔

去冬送孫郎積雨暗沙浦望眼凝寒雲相思逐檣櫓

今春風雨送侯生勿勿歸舟艤江許感今且復念前
別使我離愁燭腸肚金陵此去六千里迢遞郵程累
可數自從南浦達三山所過名勝居十五馬當險壓
彭郎磯迴抱奔流鬱吞吐小姑妝罷立明鏡霧鬢風
鬟相媚嫵山高祠古玉座幽祕怪翕忽神靈府大江
春漲壯風濤南下輕帆疾于羽潮落瓜洲冷陣雲月
明牛渚開詩宇南朝舊跡最臺城鍾阜岩堯風氣古
君行到及莫之春冶豔家山開畫譜卽論客遊亦勝
絕何況歸作風月主孫郎乃在百里近扁舟定見朋
簪聚炎荒迴首話舊遊應念鄙人索居苦題襟爲遣
鯉魚傳素書好待呼童剖

鑑止水齋集卷一

上

卽景學二樵體

春雨一春春事殘落花滿地東風闌濕雲低壓小院
黑白燕凍立紅闌干醺醺人意經時醉區霽鶯花幾
日看朝吟莫吟足春病江南江北總春寒

寄二樵

庭草如煙別日長臥聞啼鴉送春芳經旬風雨江天
遠裹飯誰能視子桑
朝雲盡日不歸山細雨和烟漬翠鬟滿徑落花須料
理遙知白晝揜虛關

大人祭南海神祠有詩敬次韻

日湧樽桑曙色明升禋海若肅精誠潮平島嶼空無際春暖魚龍偃不驚大壑氣深靈怪集南維祀重禮儀清行看赤穀登初熟風雨和甘慰衆情

木棉花歌

炎方木落三月天桃李已盡春不妍亭亭修幹絕翹繚數枝挺立當門前夕陽欲落散餘暉燒空幻作十丈蓮祝融行春駐綵仗虹旃蜺節相後先童童朱蓋轟馬首葳蕤四匝紅雲圍東風散傳猩唇血鐵網拘折珊瑚鞭陀羅八萬四千臂金色悉現兜羅繇迷樓

鑑止水齋集卷一

三

高敞十二曲絳裙搖曳疑神仙想當勾漏藥九轉石牀砂暖丹生煙不然燭龍吐朗耀神珠散落扶桑顛頽虬墮鱗訝燦爛赤鳳墜羽誰緝聯時平萬里靖烽火照海直作犀株然蠻蠻蜚女謝蠶織要術可補齊民篇夜闌不須更秉燭滿池紅影驚鷗眠

寄平叔五首

羲輪無金柅奔軼不可遮羽音旋角律凍木發春芽皇天分四時于春獨繁華行樂當及時何爲數咨嗟豈無聲音娛延露及皇葶掩耳捨之去聊復免心多窗前有嘉樹飛鳥鳴相誇徙倚蔭高柯獨立至日斜

春心目千里芳草天一涯離思浩難任長歌寄折麻
領南異江南春雨似秋雨秋雨送君悲春雨憶君苦
遠望感吾心鶯花空嬌嫵晨風動高枝落葉掩窗戶
寥寥一室間晏坐自仰俯瑤琴拂輕塵虛弦爲誰撫
齋東半畝園頗亦類郊墅別來久不窺木棉紅如許
晴天片雲赤翠幄列炬舉韓豪旣已遠誰妙體物語
攜酒酌花下且復濯愁緒曩飲輒傾石今飲不盡黍
感物懷所思矯首獨延佇

鑑止水齋集卷一

五

閒夜景氣肅朗月開塵函徘徊中庭下花影香一衫
憶昨夜行遊攀躋登層巖瑤宮敞戶牖虛檻憑松杉
重城明積雪萬戶清光咸謂言此中人爾我殊酸鹹
剖懷出高論秉志神明監清歡付省記狂語今三緘
黎子在城南咫尺不數見孤詣與世違所至遭唾面
名心或未淨利途終不眩春傷千里心時悲過眼電
苦吟朝復暮冰雪自咀嚙惟有退之心日思貞曜薦

君子亭步月

人事晚來少虛亭獨夜過物情閒處悟詩味靜中多
露氣涼花影池光鴻月波凭闌忘久立漸漸轉星河
五月十二日薄莫睡起作寄二樵

急雨灑瓦散不收霏空雲集迷夜晝北窗夢逐雲車

同起濯清風熨面皺階前積水扶寸深弱花委葉依
階陰長天渺渺涵靜白咫尺悵觸江湖心須臾明月
升東林清暉流照溢素襟連宵枯坐困埃鬱放意一
發快哉吟忽憶所思隔江渚舊雨良辰渺何許扁舟
倘沂新漲來趁此涼颺拂隆暑

柳枝詞贈歌者

春人弱帶自依依嬌煞迴波不肯歸羌笛千枝吹夜
月柔情化作夢雲飛

瀉影流波去不迴汀蘅洲芷共徘徊題詩合問韓東
老別後情襟可得開

鑑止水齋集卷一

五

七夕分韻得閨字

莫氣清炎暑高旻淨點黛嵌雲星撒菽離海月分圭
昔雨車痕浣今宵鵲駕齊曼辭傳蜀肆仙偶記牛閨
天帝錢曾借河梁室尚睽報章終歲憶怨曲七襄題
永夕占應見遙躔望未迷盈盈鸞馭渡隱隱鳳鞋低
文憶羅池諷詩從樂府稽妝階耽繡侶巧製競宮嫔
吉慶花初剪羅睺果共攜柔懷珠斗北香影玉闌西
鍼鼻冰絲貫蛛窠鈿合齋密思含欲訴私語怯還憐
竹露涼綃袂蘭風動綵視漏聲沈箭水夜色透簾犀
脈脈憐斜漢匆匆聽曙雞流輝催霧佩別意溢霞袿

寄懷韓旭亭丈

豈有天人眷情同兒女締何時銀浦濶靈匹穩雙棲
歲事忽已晚風前思渺然海陰彌極浦春色入殘年
花木禁寒淺江山得氣先陪遊空眷眷佇望莫雲天

題張亥白

問安渡海圖卽送歸蜀

圖爲王叔圭畫

張君昨從使者來恣探漲海搜儒材珠崖一髮裹寒
翠旌旗葉葉樓船開平生好奇此遊最蛟宮蜃市窮
疑猜卽今歸裝束倥偬未忘逸興凌瀛萊畫圖遣寫
海天碧彷彿浮槎八月客不知王君下筆時挽底波
瀾幾千尺秋氛盡捲黃星明洪流活漠如鏡清皇娥

鑑止水齋集卷一

五

倚瑟馬銜舞樽桑日湧天雞鳴溟泮一氣涵意匠風
雲萬里酣詩情袖中博得織女石歸時持問嚴君平
黃龍水落如綫鍼單舸穩沂夷江潯天南迴望試展
卷夢中溟渤蒼然深

泊蘆包去歲平叔泊此以書見寄

夜火蘆包戍孤舟一宿留故人曾此地尺素慙離愁
天海星辰闊關河歲月遒蒼茫生百感獨立俯寒流
乘月夜行晨至黃洞過峽山已三十里

七年八過清遠峽一度題詩凝碧灣寒月沈江明去
棹好風吹夢遶蒼山舊遊記坐談經石古洞誰尋白

玉環翠嶺綠煙迴望合靈旗蜚留二禹還

滇陽峽

南來險說滇陽峽亂石參差插竹萌
掌勞何年通地脈江流到此作灘聲
連峯隱蔽疑天小綫路縱橫讓虎行
太息樓船下楊僕武王空築萬人城

寄家信書後

亂雲低岫夕陽銜倒射江光到枕函
無賴櫓聲搖客夢有情山色戀征帆

山頂人聲山脚響水西月影水東生
岸上愁牽波上柁家中人繫客中情

鑑止水齋集卷一

七

卽景

急雨才收爽便添水天澄鏡拓新簔
山腰雲氣連山頂碧落風高露一尖

溼雲擁山隈落日照山岳雲日兩無
心山容自明滅

無題

瑤宮深處下來遲雲母籠燈醉後窺
祇有神仙差可擬卻嫌珠玉總無奇
山中花放三千歲月處星生八萬姿
天上人間大歡喜兩心如一定情時

曲曲闌干傍碧池玉肩同凭斗斜時
愁沾露氣宵寒重嬌到花光月影遲
爲指流潢握纖手偶聞簫弄展

嬌眉柔魂銷盡無多子禁得蘭芬對面吹

消渴何須犬子耽羅襦未解已魂酣生來骨是鎖子
結過去身爲訶利南密院懸知居第一良期好訂近
初三縣縣此願連雲海懺悔除教大乘參

霧袂霞裾想見之獻珠贈佩果爲誰三生影事虛無
處絕代名姝邂逅時蠟燭燒殘九龍焰爐香裊盡八
盤絲陳王自擬蘭臺賦金枕何緣有夢知陳琳王粲
並有神女

賦蓋擬宋玉也獨于建洛
神以爲感甄流傳之妄耳

始興江口

鑑止水齋集卷一

六

月黑雨瀟瀟斜階水驛遙風來狂似虎灘響健于潮
酒戶撈愁闕詩才破悶驕翻因無俚甚未覺壯懷消
雲封寺張曲江祠

紆迴石級上曾頭曉日初開半面天一道清泉紫硯
曲萬峯穠翠撲眉前攀藤入寺瞻遺像積雪封巖記
往年庚戌春大
雪後過嶺七度往來成熟客山靈爲我破寒煙

梅嶺

高峯遞迤合嶼嶺蘿雲煙絡幕常羊維嶺蔽東南天
海嶠扼要領吳粵分星躔中州清淑氣到此鬱蜿蜒
憤盈地脈孕作執盛氣頭大山宮小山提挈同迴旋
高崧卑者崛蜀獨嶧則連平原駿馬奔驪駘駘驕驕驕

重潮鉅魚湧鱣鯨鰓削若左蠹偃蟲如權火燀
其陽富材木爰斲枝叢駢其陰遏白日亭午風咽咽
清泉數十道日夜流涓涓南匯滇江源北潘贛水淵
天心限峻危人力通荒坵驛埃里相望遽傳馳聯翩
我行隆冬殘宿霧披重絛蒙茸擁裘帽關驛乘筠筴
嵐凝松翠凍寒重日色薦始就崑崙行漸乃岑岑穿
巖復石角利礪戶流漸濺磴道千百盤盤盤上曾巔
兀兀挂角寺瑟縮棲枯禪肅肅曲江祠闔謁鋪神筵
遺像儼秉笏風度猶清妍從以張太守勝代華亭賢
摩娑讀殘碣惜無鉅製鐫自昔開鑿功至今行路傳

鑑止水齋集卷一

七

創始具大力工費累億千曳牛五丁走驅石雷公鞭
竅剖混沌散道兌榛莽拳用濟舟楫窮輶輶隨所便
古人磊落胷明決無拘纏作事規遠大百禩光簡編
密塗一已啟行者無弛肩擔簦踵相躡負重脅屢餅
絲纊下三吳綾錦萃兩川航島來珠貝幕馬流金錢
茶鹽更鱗雜海物羅腥羶遂成大都會不復知窮邊
緬維漢宋初頗復竊據偏高樓時陞制黃屋龍旗懸
瀾迤二禺峯宮館窈窕延呂嘉雖入海不免長纓牽
降王去作長五五空紀年胡爲此天險不克保境全
穆后既賣國媚豬徒爭憐亡國由女戎覆轍如相緣

函谷百戰餘屢見丸泥堅劒關一夫守勒石銘拳拳
茲山扼輿區不聞宿戈鋌中原六師至蕩蕩開樓船
山靈晏無事終古長酣眠況當升平隆形勝安足權
庚戌旣已荒蕭壘亦久捐土無當日鏃耕有古井田
青蔥藝壠確虎豹無伏跼行人縱溥覽落日千峯圓
曠懷溯絲逸慨焉賦斯篇

章江舟次

歲晚荒江泊庫篷枕水眠離情千嶂外旅思一鐙前
已盡澆腸酒誰輸軟腳錢夜深霜力峭風重浪聲圓
翻憶冬寒淺空傳春信先無村更漏杳不寐夢魂懸

鑑止水齋集卷一

七

棲屑艱行役崢嶸閱歲年紆懷抽繭緒結念問茅簷
漫道竿非瑟難將石作田相如遊已倦不問祖生鞭
晚至圓通寺坐夜話亭彈琴

看山信步遠曲折入寒林日落杉松暝雲起匡廬深
古寺畱前蹟鳴泉清道心呼童掃白石明月照彈琴
菜花

郊塍迤靡畫縱橫一望黃花爛漫盈野樹生煙疎更
碧平原落照淡逾明幾家茅屋斜臨水一桁春山曲
抱城莫似無端撩客夢放教高並玉階生

臨城道中

帽影鞭絲拂曉風
驛網鈴語忒匆匆
綠楊村外沙如月
不露燈光些子紅

荒程草草一宵淹
無著閒愁到處添
驚鴻速短衣焦已甚也
思熨帖少莢尖

鑑止水齋集卷二

德清許宗彥

詩二

連城鎮

我行逾十日
席帽滿征塵
少半郵程過
年來獨客頻
小詩聊養氣
短睡亦怡神
頗愛迎梅雨
輕寒似早春

臨淮關渡淮

胎簪峯分桐柏支
井泉湧靈源
奇甘饒鑄鼎
鍊餘鏡琅璫
牢鎖無支祁
三千餘載川瀆改
江淮既合黃淮匯
下流勢蹙上流紆
一線雲梯爭入海
我行四度臨淮關
演漾清波照客顏
十里浮橋平似席
千家板

屋繞如環今年淫潦連
春夏斗漲濤頭筏難駕
尚畱長茭截東西待樵商
船未許下住馬行人喚渡船
點波雙槳載輕羈却愁雨
密衣袂濕未妨浪蹴行膝
蹶更憶淮陽舊戰地元北
蕭南互雄視形勝蕭條故壘
剗箭鏃沉霾陳雲閣舊事
茫茫誰復論紛紛得失等
浮塵惟有淮流長在眼寒
潮鳴咽弔前人

楊柳枝詞

綠窗當面水盈盈
弄影柔絲作意縈
惱亂多情腸欲斷
柳枝直是太無情

趙北燕南二月時
黃沙卷地亂風吹
空堤落日牛羊

下裊殺柔條知不知

啼煙恨雨一絲絲江北江南惜別時目送淥波春水遠愁眉不展鎖相思

闌干一桁裊春痕細雨斜風畫閉門少婦凝妝相對立不曾離別也銷魂

本來楊柳無情樹也復新來學世情染出貴人衣上綠不知甚事却干卿

無主情絲到處牽暗風輕颺落花天紅樓薄晚垂珠箔紫陌何人挂玉鞭

誰裁楊柳滿天涯蒿惱三春總是伊直須帶葉連根斫龍上水齋集卷十一

斫免使情人怨別離

標格終難同晚翠風姿猶足弄春妍請君莫倚東風寵撩亂煙光儘放顛

北峽關

北峽真如峽巖疆古盛唐蛟騰橫潦溢村小亂山妨屋角明新霽雲頭透夕陽牀牀苔蘚積難禁雨淋浪

舒王墩

荆公本經生績學參賈服坐非宰相才謀大用覆餗拘儒多好辨惡直匪所獨明知議論乖未宜意氣伏護前激成禍倒行不知復讜正既斥遠讒巧逞詆訕

身名一朝隕朝野歸謫詭新經暨字說攻者矢集鏃

當時立學官開代無留牘遺文縱有見綴學恥勿讀向使生不遇安被傾邪目著作成一家定復垂簿錄

不見公後儒亦各逞胸腹六經意點竄隻手掩萬目士患遭際艱公恨功名速榮辱隨飛灰是非無轉轂

王公號徒崇荆舒懲已蹙貽笑東山人一墩聽絲竹

司空山

青山不壞身凝寂自終古稽首司空巖安心證初祖

鞠歌行

山有桐螭有絲音均清濁無參差鳳凰聲管象之雄盤止水齋集卷十一

鳴雌應不獨吹海山操陽春詞誰言世上無人知叩牛角鬻羊皮不聞終身老卒厮不龜手三軍師人生遇合會有時

四時詞

葵尾枝頭繭栗紅遐殘春夢尚朦朧尋思帶帶無端解試畫眉鸞著意工求友鶯聲忒尖咽泥人花氣太

迷濛簸錢闌草都伴懶白地傷懷對曉風

羅衣暫解畫簾垂香汗微融午景遲梯几戲翻金葉格壁牋閒寫玉臺詩剗開蓮子終身意看到桃仁盡日疑晚試蘭湯嬌欲化遮渠明月滲冰肌